



## Uhapšeno pet osoba zbog zločina u Dretelju

Po nalogu tužioca iz Posebnog odjela za ratne zločine, policijski službenici SI-PA, na području Ljubuškog, Širokog Brijega, Čapljine i Mostara lišili su slobode pet osoba osumnjičenih za ratne zločine protiv civilnog stanovništva. Slobode su lišeni osumnjičeni Miroslav Hrstić (1949) iz Ljubuškog, Ivan Medić (1952) iz Ljubuškog, Miljenko Nogolica (1962) iz Čapljine, Jadranko Martinović (1968) iz Širokog Brijega i Tonče Rajič (1971) iz Mostara, saopšteno je iz Tužilaštva BiH.

Osumnjičeni su da su u svojstvu pripadnika HVO-a i HOS-a, u logoru Dretelj na području općine Čapljina 1992, vršili hapšenje, prelaćivanje, mučenje i pljačkanje imovine stanovništva, dok se trojica osumnjičenih terete i za silovanje ženskih osoba srpske nacionalnosti. Navedene osobe će u zakonskom roku biti predate Tužilaštvu BiH, gdje će ih postupajući tužilac ispitati u svojstvu osumnjičenih, nakon čega će odlučiti o pokretanju prijedloga za određivanje mjere pritvora ili mjere zabrane u skladu sa zakonom.